



SLUŽBENE NOVINE

KANTONA SARAJEVO

Godina XXV - Broj 43

Četvrtak, 29. 10. 2020. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 22. stav (2) Zakona o izvršavanju Budžeta Kantona Sarajevo za 2020. godinu ("Službene novine Kantona Sarajevo", broj 10/20, 18/20, 29/20), Vlada Kantona Sarajevo, na 38. sjednici održanoj 15.10.2020. godine, donijela je

UREDBU O IZMJENI UREDBE O KRITERIJIMA ZA FINANSIRANJE PROGRAMA I PROJEKATA NEPROFITNIH ORGANIZACIJA I UDRUŽENJA KOJI SE FINANSIRAJU/SUFINANSIRAJU IZ BUDŽETA KANTONA SARAJEVO

Član 1.

(Izmjena člana 4.)

U Uredbi o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", broj 33/11, 3/12 - Ispravka, 37/13, 16/14 i 6/17), član 4. stav (2) mijenja se i glasi: "(2) Primaoci finansijske podrške za realizaciju programa ili projekata koji nisu dostavili narativni i finansijski izvještaj o utrošku sredstava za odobreni program ili projekte za koji su imali u prethodnom periodu odobrena budžetska sredstva ili su dostavili narativni i finansijski izvještaj u kome nisu opravdali utrošak odobrenih budžetskih sredstava u cjelokupno odobrenom iznosu za program ili projekat, ne mogu biti prihvaćeni za finansiranje programa ili projekata."

Član 2.

(Ovlaštenje za izradu prečišćenog teksta)

Ovlašćuje se Ured za zakonodavstvo Vlade Kantona Sarajevo da utvrdi Prečišćeni tekst Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo, u roku od šest mjeseci od dana stupanja na snagu ove uredbe.

Član 3.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-39624-3/20

15. oktobra 2020. godine
Sarajevo

Premijer

Mario Nenadić, s. r.

Na osnovu čl. 5., 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 47. Poslovnika o radu Vlade Kantona Sarajevo ("Službene novine Kantona Sarajevo", broj 4/16 i 36/16), Vlada Kantona Sarajevo, na 78. vanrednoj sjednici održanoj 22.10.2020. godine, donijela je

ODLUKU O DOPUNI POSLOVNIKA O RADU VLADE KANTONA SARAJEVO

Član 1.

U Poslovniku o radu Vlade Kantona Sarajevo ("Službene novine Kantona Sarajevo", broj 4/16 i 36/16) iza člana 13. dodaje se novi član 13a. koji glasi:

"Član 13a.

- (1) Izuzetno, u okolnostima opasnosti po javnu sigurnost i sigurnost građana širih razmjera, elementarnih nepogoda, velikih šteta za imovinu, epidemija i slično, premijer može predložiti da se redovna ili vanredna sjednica Vlade održi online korištenjem informacijskog sistema koji podržava prijenos video konferencije ili aplikacija, programa i drugih elektronskih platformi za direktnu glasovnu i video komunikaciju. Rezultate glasanja utvrđuje premijer uz asistenciju sekretara Vlade Kantona Sarajevo.
- (2) U slučajevima održavanja sjednica Vlade na način predviđen u stavu (1) ovog člana pozivi za sjednice se dostavljaju pismenim ili elektronskim putem, a zapisnici sa održanih sjednica vrše se na osnovu elektronske pošte ili online tonskog snimanja. Prilikom održavanja sjednica iz stava (1) ovog člana shodno se primjenjuju odredbe

ovog poslovnika i osiguravaju potrebne tehničke pretpostavke za rad i odlučivanje."

Član 2.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-41107-1/20

22. oktobra 2020. godine

Sarajevo

Premijer

Mario Nenadić, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 155. stav (2) Zakona o zaštiti prirode ("Službene novine Federacije BiH", broj 66/13), Vlada Kantona Sarajevo, na 38. sjednici održanoj 15.10.2020. godine, donijela je

ODLUKU O DONOŠENJU PLANA UPRAVLJANJA SPOMENIKOM PRIRODE "VRELO BOSNE"

I

Donosi se Plan upravljanja Spomenikom prirode "Vrelo Bosne" za period 2020.- 2030. godine.

II

Sastavni dio ove odluke je Plan upravljanja Spomenikom prirode "Vrelo Bosne" za period 2020.-2030. godine.

III

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-39624-7/20

15. oktobra 2020. godine

Sarajevo

Premijer

Mario Nenadić, s. r.

POPIS SKRAĆENICA

AVP Sava	Agencija za vodno područje rijeke Save
BiH	Bosna i Hercegovina
DD	Nedostatak podataka (<i>eng. Data Deficient</i>)
EEZ	Evropska ekonomska zajednica
EN	Evropske norme
EU	Evropska unija
FBiH	Federacija Bosna i Hercegovina
FMOIT	Federalno ministarstvo okoliša i turizma
FUzGiPP	Federalna uprava za geodetske i imovinsko-pravne poslove
FZzA	Federalni zavod za agropedologiju
ha	hektar
HCVF	High Coservation Value Forest (Šume visoke zaštitne vrijednosti)
IUCN	International Union for Conservation of Nature (Međunarodna unija za očuvanje prirode)
JU	Javna ustanova
KEAP	Kantonalni plan zaštite okoliša
KJKP	Kantonalno javno komunalno preduzeće
KJP	Kantonalno javno preduzeće
KJUzZPP KS	Kantonalna javna ustanova za zaštićena prirodna područja Kantona Sarajevo
KUzIP	Kantonalna uprava za inspeksijske poslove
km	kilometar
KM	konvertibilna marka
KMnO4	Kalijev permanganat
KONS BiH	Komisija za očuvanje nacionalnih spomenika Bosne i Hercegovine
KS	Kanton Sarajevo
KZzZKHIPN	Kantonalni zavod za zaštitu kulturno-historijskog i prirodnog naslijeđa Sarajevo
LC	Najniži stepen zabrinutosti (<i>eng. Least Concern</i>)
M - 17	Magistralna cesta
m	metar
MP KS	Ministarstvo privrede

MPUGiZO KS	Ministarstvo prostornog uređenja, građenja i zaštite okoliša Kantona Sarajevo
MZ	Mjesna zajednica
NOR	Narodno-oslobodilački rat
NVO	Nevladine organizacije
OD	Ornitolško društvo
PMF	Prirodno - matematički fakultet
PPPPO	Prostorni plan područja posebnih obilježja
PU	Plan upravljanja
RO	Radna organizacija
SP	Spomenik prirode
SR BiH	Socijalistička Republika Bosna i Hercegovina
ŠGP	Šumsko-gospodarsko područje
ŠPO	Šumsko-privredna osnova
UNSA	Univerzitet u Sarajevu
UzŠ KS	Uprava za šumarstvo Kantona Sarajevo
TZ	Turistička zajednica
ViK	Vodovod i kanalizacija
WWF	Svjetski fond za prirodu (<i>eng. World Wide Fund for Nature</i>)
ZOI	Zimske olimpijske igre
ZP	Zaštićeno područje
ZzPR KS	Zavod za planiranje razvoja Kantona Sarajevo

IZVRŠNI SAŽETAK

Područje Spomenika prirode (SP) Vrelo Bosne u prvom redu karakterišu vodni resursi, zatim bogatstvo flore i faune, kulturno-historijske vrijednosti, uređene parkovske površine, Velika aleja i dr. Raznolikost i mnoštvo prirodnih i kulturno-historijskih vrijednosti privlači brojne posjetioce ovog prostora, a stanovništvo tradicionalno posjećuje Vrelo Bosne radi izletništva i rekreacije još iz doba Austro - Ugarske.

SP "Vrelo Bosne" svojom čitavom površinom ulazi u obuhvat izvorišta "Sarajevsko polje" (krajnji jugozapadni dio), koji predstavlja najveći i najvažniji resurs za vodosnabdijevanje Kantona Sarajevo. U SP "Vrelo Bosne" se nalazi **izvorište Iliđza-Konaci-Vrelo Bosne** koje predstavlja vodozaštitnu zonu i obuhvata četiri zone zaštite vodnih resursa: uža, prva, druga i treća zaštitna zona. Upravljanje izvorištima vode za piće i vodoprivrednim objektima na području SP "Vrelo Bosne" vrši **kantonalno javno komunalno preduzeće Vodovod i kanalizacija (KJKP ViK) Sarajevo**. Zaštita izvorišta je od ključne važnosti za blizu 400 000 stanovnika Kantona Sarajevo kojima KJKP ViK pruža usluge vodosnabdijevanja i odvodnje otpadnih voda.

Spomenik prirode Vrelo Bosne je pod formalnom zaštitom od 2006. godine, a Upravljač ovog zaštićenog prirodnog područja je **Kantonalna javna ustanova za zaštićena prirodna područja Kantona Sarajevo (KJUzZPPKS)**. Shodno Zakonu o proglašenju SP "Vrelo Bosne", KJKP ViK i KJUzZPPKS dužni su upravljati područjem zajednički, uz kontinuiranu razmjenu informacija i udruživanje resursa kojima raspolažu.

Jedan od primarnih izazova za upravljanje SP "Vrelo Bosne" koji ima veliki uticaj na pojavu dodatnih izazova u prostoru jeste nedostatak jednog od ključnih dokumenata za upravljanje i ostvarivanje ciljeva zaštićenog područja, a radi se o **Prostornom planu područja posebnih obilježja (PPPPO) SP "Vrelo Bosne"**. Nosilac izrade Plana je **Zavod za planiranje razvoja Kantona Sarajevo**. S druge strane, u oblasti zaštite vodnih resursa, veliki izazov predstavlja izostanak donošenja nove **Odluke o zaštiti izvorišta vode za piće u Sarajevskom polju**, koja treba biti u skladu sa važećim pravilnikom na federalnom nivou. Na snazi je Odluka o zaštiti izvorišta vode za piće u Sarajevskom polju iz 1987. godine. Kao posljedica neusklađenosti propisa, postoje različite mjere za zaštitu istog izvorišta. Primjer toga je neriješeno pitanje